

至道幽微何處究妄想邪思便是魔人獸欲要三田苗長秀真
常真靜真無朽五氣朝元真一湊萬語千言須候陰消六令
古迷人觀不透神奇枉化爲膿殞

又

一點靈明當內究散盡羣魔趕退西山獸萬樹瓊花如錦繡長
春永占無根朽四海雲朋來往湊上下沖和漸覺陽生六一
道靈光通骨透清香換了胞囊殞

述懷

天下周遊將欲遍十載區區恐負先師願老也休休人事遠遊
山翫水隨緣轉報與知音聽我勸劫運刀兵箇箇都親見仍
道藏輯要 葆光集 至 胃集十
自貪求生愛戀前頭路險如何免

太平興國觀作

占跡琳宮堪作計檜柏青青宛有長春氣直待功圓方濟會無
心默默符天意幸得安然清靜地終日逍遙方寸無縈繫老
大不堪心自退紛紛世事何時已

先師昔日屢言燕山天下最勝之地當是時果葬於斯以
小詞記其意耳

天下風光何處好山海潛通無比燕中道四海雲朋來往繞先
師默悟知還到既入玄門須悟早誰解修真此事非草草天
意分明容起廟燕山千里來懷抱